



R. G. ADAMS

*Questo libro composto di libretto  
trentanove ha un gran valore.  
Il suo più gran pregio consiste nella  
lettera di Cristoforo Colombo in lingua  
Spagnola.*



Thomas Randolph Adams


The John Carter Brown Library



GIFT OF

Thomas R. Adams








The John Carter Brown Library

Gift of

James E. Brown







P



41  
SIXTI QVINTI  
PONTIFICATVS  
MAXIMVS

IACOBI THEVPOLI CARMEN  
TVM HEROICVM, TVM LYRICVM.



VERONAE,  
*Apud Hieronymum Discipulum,*  
M D LXXXVI.



SIXTY QVIN TI

PONTIFICATVS

M LXI M V S

IACOBI THEOPOLI CARMEN

V M HEROTICVM NAM PAMICVM. VII

REPORT

REPORT

REPORT

REPORT

REPORT

REPORT

REPORT

REPORT

REPORT

REPORT

REPORT

REPORT

REPORT

REPORT

REPORT

REPORT

REPORT

REPORT

REPORT

RPJCB



QVATTVOR VIRIS,  
ET DECVRIONIBVS  
MONTANEANAE

*Valerius Palermus S. P. D.*



ACOBVS Theupolus, Viri  
Montaneanenses, qui nuper  
in schola vestra humaniores  
litteras, in templo autem sa-  
cratiores non mediocri cum  
laude professus est, SIXTO  
V. Pontifice Maximo creato,  
carmina quaedam tum heroi-

ca, tum lyrica de eius pontificatu repente scripsit,  
quae cum edere in lucem cogitaret, eaq; magno  
alicui viro dedicare, cuius opera ipsi Summo  
Pontifici aliquando offerrentur, re, vt fit, in dies  
prolata, accidit praeter omnium opinionem, vt  
ille è vita ante discederet, quam certi quidquam  
de editione, aut dedicatione haberet constitutum.  
Quo tempore ea ipsa carmina pro ipsius Theu-  
poli in me beneuolentia erant apud me. Quibus  
ego cum consultum vellem, ne docti viri, & ami-  
ci hominis opera, & oleum (vt dicitur) periret,  
eorum editionem suscipiendam mihi esse duxi.  
Caeterum cum mecum cogitarem, cui nam po-



tissimum ea inscriberem, in quo cum Theupoli  
iudicio ita consentirem, ut factum ille meum etiam  
mortuus comprobaret; Vos mihi ante omnes  
occurristis V. Montaneanenses, quibus ea esse de-  
dicanda, commendandaque statuerem. Etenim  
si lucubrationes nostras amicis hominibus, & qui  
de nobis aut bene existiment, aut bene meriti  
sint, solemus dicare, quis illi vobis fuit amicior?  
cui plus vos unquam, quam illi tribuistis? Ille, ut  
operam vobis daret, patriam reliquit; vos illum  
honestissimum stipendio affecistis; ille liberos ve-  
stros mira diligentia erudiebat; vos eum magno  
honore colebatis; ille etiam Christiana dogmata  
de sacro suggestu docebat; vos illum docentem  
studiosissime audiebatis. Atque haec, aliaque viuen-  
ti tribuistis plurima. quid illa, quae mortuo?  
quae verae, non simulatae semper habita sunt  
pietatis indicia, & certi amoris testimonia? Vos  
illum amplo funere de publico decorastis; stipen-  
dijs iam repraesentatis condonastis; haeredes eius  
non exiguis muneribus adauxistis; totam denique  
eius familiam multa liberalitate in patriam redu-  
centes estis profecuti. quae tam grata, tam pia  
officia, si nouit ille, ut nouisse iuuat credere, qua  
iucunditate excepta ab illo esse existimatis? quan-  
to vero studio gratissimum hominem exardescere,  
ut aliqua pro ijs vobis gratia referatur? quis dubi-  
tet igitur, quin hoc, quod de eius carminibus à  
me fit, quantulumcunque est, gratissimum illi futu-  
rum



rum sit? Accedit eò persona Pontificis, quae me  
in eam mentem sponte propensum vehementius  
impulit, atque incitauit. Nam cum ille à vobis,  
atq; oppido vestro nequaquam sit. (vt putamus)  
alienus, quidquid ad illum per vos, ab homine  
docto cum eius laude elucubratum, transmittetur,  
non videtur id prorsus contempturus. Quin (quae  
eius est humanitas) hilari fronte excepturus, &  
beneuolo in vos, vestraq; omnia animo fururus.  
Etenim cum sit apud vos Perettorum familia (ex  
Perettis autem ortum esse Pontificem nemo nescit)  
cumq; ex ea Romam profecti quidam, humane  
excepti fuerint, atq; tractati, conijcere non ob-  
scure licet, maiores eius istinc esse oriundos, non-  
nullamq; cum illo vobis sanguinis, aut loci con-  
iunctionem, quam ille facile agnoscat, intercedere.  
Quod cur ille nolit, aut despiciat, causam nullam  
video. Nam, vt omittam iura Montaneanensium,  
quæ parum distant à Patauinis: siquidem quicunq;  
ex vestro loco aut iureconsulti, aut medici sunt,  
ijsdem collegiorum priuilegijs, quibus & reliqui  
Patauini Ciues, fruuntur. Omittam etiam ingen-  
tes Communis Montaneanensium census, quibus  
amplissimis Urbibus multis praestat; atq; ita prae-  
stat, vt viritum nunquam tributa exigantur, Vnus  
pro omnibus Fiscus sufficiat. Illud quanti tandem  
faciendum est, quod haec non vobis magis sunt  
ornamento, quam vos illis? Nam & susceptam  
quamcunq; honorificam personam oppidi vestri  
homines



homines ubiq; & semper pulcherrime sustinuerunt;  
& vos reditus publicos ita distribuitis, vt in eo vel  
maxime sapientia vestra, & animus liberalissimus  
appareat. Quod etsi per se notum, testatumq; est,  
neq; vlla nostra testificatione eget, quoniam tamen  
in eam mentionem nunc incidi, non faciam, quin  
illud breuiter ego quoq; attingam. Vos, quod ad  
diuinum cultum pertinet, templum amplissimum,  
& nulli eorum, quae alibi maxima conspiciuntur,  
postponendum habetis. illud idem rebus omnibus  
instructum, magno praecipue probatissimorum  
sacerdotum, qui sacris assidue vacent, numero re-  
fertur. In eo vos Dei laudes musicis cantibus, &  
organicis sonis, earum artium eximijs vndecunq;  
acceritis magistris, decantari. In eodem euange-  
licam doctrinam per celeberrimos quosq; concio-  
natores tradi diligentissime curatis. Vos, quod at-  
tinet ad liberorum institutionem, nulli sumptui  
parcentes efficitis, vt per eruditos, probatosq; viros  
puerilis aetas ad humanitatem informetur. Vos  
etiam, ne otiosos esse pueros illos patiamini, qui ad  
grauiora studia minus sunt apti, qui eos in Arith-  
metica, Geometria, & scribendi arte occupatos ha-  
beant, publice conducitis. At, quod ad corporis sa-  
lutem, sine qua caetera munera nemo commode  
obire potest, vix credibile est, quod praestatis. Ter-  
ni quippe medici, omnes insignes viri, & maximis  
ornati stipendijs, de vestra valetudine laborant.  
Longum esset porro, si de alijs egregijs vestris, pijsq;  
factis



factis verba facerem; si de minoribus sacris aedibus;  
si de monachorum, monacharumq; coenobijs; si  
de xenodochijs; si de vestra in viros egentes, & ad-  
uersa vtentes fortuna benignitatē. Illud certe silen-  
tio non praeteribo; tria apud vos trium Francisca-  
nae sodalitatis ordinum templa, & coenobia exta-  
re, partim à maioribus vestris, partim à vobis pu-  
blicis sumptibus excitata. in quibus religiosi viri,  
alij quotidiana beneficentia vestra, alij bonorū ci-  
uium prouentibus annuis aluntur. quae vestri in  
D. Franciscum, & sub eo Duce Deo merentes viros  
tria sunt animi monumenta praeclara. Haec igitur,  
aliaq; permulta, quae epistola capere non potest, in  
quibus Montaneanensium & in reipublicae admi-  
nistratione prudentia: & in colenda religione se-  
dulitas: & in liberorum educatione vigilantia: & in  
tuenda salute studium: & in vsu pecuniarum splen-  
dor: & in omnibus deniq; rebus consilium, gra-  
uitas, & munificentia elucet; quae a me non audi-  
ta, sed visa; non ad alterius voluntatem conficta,  
sed prout mihi certo cōperta sunt, ita & descripta,  
eò spectant, vt doceant, neminem sapientem virum  
pudori sibi ducere posse, quod ex municipio, opi-  
bus, religione, & laudabilibus institutis florente, sit  
ortus, ex quo nobilissimi semper viri prodierint,  
qui & in Ecclesia amplissimas obtinuerint, hocq;  
ipso tempore obtineant dignitates; & in militia or-  
dines duxerint, seq; propria virtute illustres fecerint;  
& in Vrbe Veneta primas inter causarum patronos  
tulerint;



rulerint; & in celeberrimis Gymnasijs sublimiora  
loca docendo ornarint; & in aliis publicis, priua-  
tisq; actionibus prudentissime se gesserint. Quo  
etiam factum est, vt, & finitimarum vrbium ciues  
honestissimi saepe expetiuerint, & patricii ipsi Ve-  
neti aliquando non recusarint, cum Montaneanen-  
sibus affinitates coniungere. De quibus singulis nō  
est hic agendi locus. Quare ad prima redeo. puta-  
re me non absurde fecisse, qui haec Theupoli vestri  
carmina, cum in manus hominum emitterem, vo-  
bis potissimum, Viri praestantissimi, vestraeq; fi-  
dei ob dictas causas commendarim. vt per vos tan-  
dem Pontifici Summo deferrentur. His causis si  
illam addendam dixero, quod ea ratione voluerim  
aliquam meae in vos, Municipiumq; vestrum ob-  
seruantiae exstare significationem, non mentiar;  
tam enim munifice sum, tãq; honorifice apud vos  
tractatus, dum adollescentes itidem vestros in studiis  
humanioribus exercerem, vt nūquam de vobis tam  
multa praedicare posse videar, quam debere me, &  
promeruisse vos sentio. Vos factum hoc nostrum,  
& facti rationem in optimam partem accipiatis,  
rogo, dum melior sese offerat occasio, ut non iam  
de alieno, sed de meo munerari vos possim, aut,  
ut rectius loquar, remunerari. Valete.  
Veronae. Idibus Nouemb. M D LXX XVI.



AD SIXTVM V.  
PONTIFICEM  
MAXIMUM.

*DEVOTA pridem Alto tuo, quod, nomini  
MONTANEANA fert PATER Sanctissime  
Carmen, sacrato à vate de te conditum:  
Montaneana parua & agro, & moenibus,  
Sed institutis maxima, & Virum ferax,  
Vultu benigno id ne graueris sumere  
Rogat. boniq; quidquid est, ut consulas.  
Et utriusq; in hoc amorem diligas.  
Sic te te ab omni fraude semper liberum  
Terrestrium Rex praestet, ac coelestium.  
Et cuncta ubi hic cantata iam peregeris,  
Diuq; terras rexeris FELICITER.  
Velit perennis esse regni compotem.*

*Vestra Beatitudinis*

*Humillimus Seruus*

*Valerius P.*

*B*



THE HISTORY OF THE  
CITY OF LONDON  
FROM THE FOUNDATION  
TO THE PRESENT TIME

By WILKINSON GIBBS  
Esq. of the Middle Temple  
Barrister at Law  
Author of the History of the  
City of London from the  
Foundation to the Present Time  
Vol. I. 1724



SIXTI QVINTI  
PONTIFICATVS  
MAXIMVS

IACOBI THEVOLI  
CARMEN HEROICVM.



MONS ALTUS, nulli aeternis è  
montibus impar,  
Cui stellis vel cinctus Atlas, vel cau-  
casus ingens,

Atq; Ossae impositus nemoroso vertice Olympus  
Curvantur; Mons ille Altus, quem suspicit orbis  
Terrarum, ac coelum vario splendescere cultu  
Musarum praestat, Phoebiq; grauiq; Mineruae:  
Nunc super aërios campos, super aethera multa  
Ridentem flamma, egregium caput arduus infert  
Sideribus, lucemq; trahens candore micantem  
Auricomo, aeterni Solis de fonte perenni,  
Et Latium, et Tyberim, et Romanā suscitāt Urbē  
Lethaeo è somno; ac tenebris splendere fugatis  
Donat, in antiquumq; decus rem prouocat omnē  
Nobilis imperij, atq; Italis vim duplicat oris.  
Scilicet hoc vno CHRISTI iam sceptrā tenente



Pontifice, exoritur tandem Lux alma, repulsis  
Qua caecis errorum Vmbris, horrenda reuisent,  
Monstra lacus coeno obductos, stygiamq; paludē,  
Aeternumq; trahent gemitus Acheronte sub imo  
Impietas, Fraus, & varia Discordia palla,  
Improbilasq; omnis, cui par nec tristis Erinnyis.  
Tunc ponent venti, ac ridebunt aequora ponti,  
Cessabitq; furens depulso Aquilone procella:  
Tunc pietas, Pax, cana Fides, & feruida Virtus  
Emergent simul insanis è fluctibus, auraeq;  
Hinc faciles PETRI iactatā ad littora nauim  
E medijs scopulis, undarum & gurgite vasto  
Eripient, placidoq; dabunt consistere portu.  
Utq; olim Ausoniae tellus non iuris, & aequi,  
Non virtutis amans, nulloq; exercita cultu,  
Sed sacras superū mensas turpare deorum  
Sueta diu, ac tepidos humano sanguine cultros,  
Deposuit moresq; feros, mentemq; rebellem,  
Et legum indociles animos, probitatis egentes.  
Tum gemitu assiduo segnes inuertere glebas,  
Depressoq; solum Terrae proscindere aratro  
Bos coepit. Gens illa pium quo tempore primum  
Suscepit IANVM, Ianiq; indocta bisfrontis  
Sermonem obstupuit, magnumq; imitata parentē,  
Virtutem excoluit, simul aeuum condidit aureum.  
Haud aliter nunc ipsa vices veneratur agentem  
Per-



Perfecti JANI, binis qui clauibus ampla  
Coelorum hinc reseat, Ditisq; hinc ostia claudit.  
Nimirum iam tempus adest, quo Fata reuoluant  
Gestorum veterum seriem; quibus inclyta bello  
Densus agmen agens, socijsq; sub arma vocatis,  
ROMA parens Italis subiecit viribus Orbem,  
Extremosq; manum Imperij protendit ad Indos,  
Edixit moresq; pios, legesq; Quiritum.  
HESPERIA o salve, o Heroum candida nutrix  
Salve iterum, dilecta Iouis pulchra ora Parenti,  
Clara viris, opibusq; potens, asperrima quondam  
Armorum studio, studio non impare Athenis  
Orandi praeclara simul; quam Phoebus, et alma  
Pieris, excultaeq; illustrant Palladis artes.  
Surge age, quid cessas? age surge, et corripe ferrum,  
Atq; animus praesens geminos pcurrat in Hostes.  
Fata vocant: surge ante omnes tu Roma secundis  
Numinibus, tantis olim exornata triumphis.  
En te Fama ingens, coelo delapsa per auras  
Aere ciet; tibi praepetibus en Gloria pennis  
Aduolat, & viridi praecingit tempora lauro.  
Iam metus inuasit Mauros; iam Thracibus ingens  
Concutit ossa tremor: manibus iam decidit arcus:  
Infelixq; Arabum princeps iam deserit omnem  
Europam, volucresq; fuga praeuertitur Euros.  
Heu genus inuisum; heu nostris elata ruinis

Gens



Gens assueta dolo, haud aequo cōtendere Marte,  
Praecipiti fidens nimbo, peditumq;, equitumq;,  
Non virtute pari; Regum discordia magnum  
Cui dedit imperium, Quaesitum sanguine Auorū,  
Et decus, & vitam quoq; largitura nepotum:  
Ni SIXTVS Fatum hoc sistat nō vsq; ferendū,  
Cū lacrymis precibusq; p̄ys, tum dextera et armis,  
Infelixq; omen rabidos auertat in hostes.

SIXTE pater, quem nobilitas non alta parentum,  
Non levis ambitio, non Sors, non vulgus, et Arca  
Aere grauis, sed quem Virtus, Sapientia, culpa  
Mens expers, nudaq; animus probitate refulgēs,  
Tū CHRISTI fauor ad primos euexit honores,  
Dilectoq; gregi pastorem tradidit, omnes  
Qui regeres caulas, cui pascua cuncta subessent.  
Tu venturus eras; te te nunc excipit orbis  
Laetitia exsultans alacri; te te impius horret  
Barbarus, ac tumidae iam iam impendere securim  
Ceruici videt, ac venientem praecipit ictum.

Te vocat hinc lacrymis oculos adpersa dolentes  
Europa infelix, lacerum tibi pectus, & ora,  
Brachiaq; immeritis dudum constricta catenis  
Ostendit, faedata genas, incompta capillos  
Abs te querit opem, spemq; in te collocat omnem.  
Tum genibus positis dat sacris oscula plantis,  
Complexuq; tenet, charum ceu grata parentem,

Et



Et fletu rigat assiduo, tum verba querelis  
Mista refert, ducens gemitus e corde profundo.  
Tu moestam solare, pater; tu iusta petenti  
Iam lacrymas absterge, pater, terraq; iacentem,  
Erige; tu natae miserandae ulciscere dextra  
Et turpes ignominias, & vincula dura,  
Lethalesq; ictus telorum, ac barbara iussa.  
Quin turres prosterne solo, sterne oppida, et ipsum  
Sterne CANEM, et quicquid nobis gēs effera quondā  
Abripuit; iam, SIXTE, manu te vindice  
CHRISTO

Ingemat asserere: hinc Scythiae sese abdat ī antra.  
Parte alia, quae monstra noua pietate vetusta  
Ex Orco reuocat iam tot post secula, clara  
Religione patrum, sed nunc Germania mente  
Perdita, quod saeuas dudum exardescat in iras;  
Tum bellum indicat templis, magnoq; tonanti  
Diuorum, atq; hominum Regi: Tu maxime Pastor  
Persequere ex animo, rursusq; in Tartara mitte.  
TE vocat ingenti longe clamore, perennes  
Ex oculis fundens riuos; illa, illa rebelles  
Iam solita & vincire manus, & colla catenis  
Hostibus, indignis Romanum incurfibus, ausis  
Pontificem vexare diu, quo nomine pulchrum  
Promeruit titulum, imperij sacramq; Tiaram.  
Ora potens, diuesq; opibus, non indiga frugum,  
Non



Non pecudum; foecunda viris, foecunda triumphis,  
Quam Rhodanus praemordet aquis, quam Rhe-  
nus, & ingens  
Terminat Oceanus, saxisque horrentibus Alpes:  
Bellonae studio celebris, doctaeque Minervae.  
Sume animos, bone SIXTE, tuos Rex maximus  
ausus  
Consilijs, opibusque libens, armisque fouebit,  
Quem colit Herculeas ultra, citraque columnas,  
Antiquis adiuncta recens Hispania, bello  
Terribilem qui ferro Asiam Libyamque tredientem  
Persequitur, domat in Belgis animosque furentes,  
Cuius & imperio paret nunc Ausonis ora  
Fertilior, miseris quondam vastata ruinis,  
Docta diu ancipitem perferre Insubria Martem,  
Principibusque orbata suis, huc voluer, illuc;  
Nunc vero degens tanto sub Rege, beata  
Dudum sorte sua, tranquilla in pace quiescit.  
Tum Regnum ex Italis nulli virtute secundum  
Parthenope tam clara viris, tam viuuda bello,  
Musarum studijs florens, atque impigra gyro  
Flectere equos, hostemque ferum insultare sub armis.  
Nec minus interea tecum subitura per undas,  
Perque ignes Fortunam omnem, discrimina mille  
Classe cita tibi praesto erit; et, quaecumque sequatur  
Sors demum, haerebit lateri, nec deferet unquam,  
URBS



VRBS decus Italiae, ac verae pietatis alumna,  
Non una praestans laude, spectanda trophaeis  
Innumeris, Vrbs Adriaci Regina profundi,  
Tum VENETI caput Imperij: non illa vel auri,  
Vel virtutis inops, pacem venerata nitentem:  
Quam placidū lambit stagnum, quā littora cingūt,  
Salsaq; piscosis riuus interluit unda.  
Hinc stant Euganei colles, longeq; salutant;  
Hinc, quibus et nomen dedit acer Iulius, Alpes.  
Matris in amplexum decurrunt flumina cētum.  
O Patria, o longum misero exoptata moranti  
Externo sub Sole mihi: patria inclyta, coelo  
Demissa, haud ullis hominum fundata priorum  
Ingenijs: Patria o seclis iam libera mille  
Amplius, aeternumq; eadem mansura per Aeuū.  
Quis laudes renouare tuas, & maxima bello  
Facta queat verbis, remq; ipsam ornare canendo?  
Quotq; olim tuleris deuicto ex hoste triumphos?  
Quot perpeffa mala, et quantis defuncta periclis  
Pro Re Romana, pro Religione parentum?  
Praecipue cum omnes Italos, belloq; potentes  
Hispanos, Regemq; pium, et qui moenia Princeps  
Romulidū praecelsa tenet, inq; arma vocares,  
Inq; nouae partem laudis, dum Barbarus hostis  
Ingrueret minitans, immensa & classe per undas  
Ionias equitaret ouans, Cyprouq; subacta,

C

Iam



Iam dudum Ausoniae funus, iam vincla pararet;  
Et faceret, Gētis ni Henetae pulcherrimus ardor,  
Et vis auxilio sociorum adnixa potenti  
Sisteret infraenem rabiem: namq; aequore toto  
Disiecit, mersitq; rates, hostemq; fugavit,  
Victricemq; tulit palmam, tulit ampla trophaea.  
Huic te iunge, Pater; Comitem se se addere rebus  
Haec volet in dubijs, mortemq; animosa pacisci  
Pro vita, pro laude tua: non illa periclis  
Tarda offerre caput, modo sit vel Roma superstes,  
Vel Latium felix. O quae iam bella parantur!  
Quantus equis sudor, peditum certamina quanta!  
EN fulgent instructae acies, en castra moventur:  
Res strictis agitur gladijs, urgetq; pedem pes,  
Conferiturq; manus: CRUX bello it tessera signū  
CHRISTICOLIS: hinc prima salus, Victo-  
ria certa.

Iam videor mihi perq; soli, perq; aequora ponti  
Cernere sanguineis manantia flumina riuis;  
Inq; fugam geminos coniectos turpiter hostes  
Tergoribus caedi, saeuoq; inuoluier igni.  
TVM SIXTVM albis inuectum Romana  
Quadrigris

Moenia victrici velatum tempora lauro  
Laetitia, plausuq; frequens Gens orta Quirino  
Excipient: thura ille dabit fumantibus Aris,  
Et




Et centum Pario ponet de marmore templa.  
Post venient utriq; Arabes, Indiq;, Sabaeiq;  
Aethiopes, Seres, totoq; Oriente remotae  
Non eadem Gentes lingua, non moribus aequis;  
Complexiq; Senis plantas, ac pulchra ferentes  
Munera, submittent colla, & vestigia lingent.  
Pacatūq; reget SIXTVS ter maximus Orbem.





EIVSDEM IACOBI THEVPOLI  
CARMEN LYRICVM.



 *AM* laetum tenebris diem,  
Pulsis Oceano splendidus euocat  
Crinem Lucifer aureum,  
Ostentans; roseo iamq; micantia  
Vultu sidera dimouet  
Coelo florigeros excutiens sinus  
Aurora. en nouus Indicum  
Aequor Sol properat linquere: dein rotas  
Urgens praecipites leuem  
Conspersgit radijs Aethera lucidis.  
Surge o Maxima Maximis  
Chara Vrbs Coelitibus ROMA. Quid obstupes?  
Nunc nunc thuricremis frequens  
Aris mente pia munera consecra.  
Tum fulgentibus ardua  
Gemmis templa micent, limina frondibus  
Ornentur, bene olentibus  
Sertis, lauro, hедера, lucida floreant  
Altis marmora postibus:  
Auratis trabibus tellus nitentia  
Concentu reboent sacro:  
Subsultet nimia laetitia solum:

Magnis



Magnis undique plausibus  
Permistae Superis conspicuae simul  
Laudes carmine Delphico  
Pangantur: resonent compita tympanis.  
Ille, ille eximium decus,  
Clarumq; Hesperiae lumen, & optimis  
Doctae Pallados artibus  
Firmum praesidium, dulce & Apollini  
Solamen, nitidissimus  
Gentis CHRISTICOLAE splendor, et inclyta  
Magni progenies Iouis  
MONS ALTUS, feriens sidera vertice,  
Nunc mitrae ad Tyberim sacrae  
Praecinctus celebri tempora circulo,  
Fert ingentia MAXIMVS  
Aeterni imperij munera PONTIFEX.  
Ille, ille immeritam malis  
Vexatam, ac miseris usq; laboribus,  
EVROPAM adspiciet, gravi  
Oppressamq; iugo sub cane Barbaro  
Vinclis eripiens dabit  
Libertate frui vindice dextera.  
Quin hostem geminum sacrae  
Insensum FIDEI sub pedibus premet.  
Hispano hinc pedite, hinc equis  
Gallorum, Ausonijs hinc legionibus

Ge-



Geneuam Pius impiam  
Confestim valido proruit impetu.  
Nec non praecipitem fuga  
Jam Turcam insequitur victor ad ultimos  
Indos, ac Scythicum gelu  
Torpentem Tanaim. en Gloria candidis  
Pennis Aethera fulgidum  
Tractans purpureos explicuit sinus,  
Cum septemgeminos super  
Colles, tum Latium, atq; Hadriacum patrem.  
Salve o Maxima Coelitum  
Cura: o quem probitas dulcis amabilem  
Reddit: frangere temporis  
Tum Virtus rabiem docta, nec inuidi  
Orci saeuitiem tremens:  
Salve o tergemini gloria Numinis  
Ingens optime Pontifex.  
Tu Rem Romuleam, tu Venetam diu,  
Tu totam Ausoniam simul  
Exornans placido lumine, conteres  
Inuicta Satanam pede,  
Hydramq; Herculeam, Barbara & agmina.  
Gentis te hinc celeberrimae  
Romana excipient moenia vindicem.  
Sit Fas interea tibi  
Vitae, S I X T E parens, tempora plurimis  
La-



*Lapsis condere saeculis*

*Charis prima Italae pace vigentibus:*

*Os purum exeret aurea*

*Tunc aetas, positae aequora turgida*

*Ventis littora fluctibus*

*Non ullis ferient: lumen & aëra*

*Ridens vestiet: horridi*

*Lethi haud tarda pedem saeva necessitas*

*Sistet praecipitem gradum:*

*Duris mella fluent roscida quercubus:*

*Uvae purpura nobilis*

*Pendeatq; rubis: flumina lac, merum,*

*Argentumq; dabunt. neq;*

*Durae sortis ego iam metuam minas.*





NEL PONTIFICATO DI  
N. S. PAPA SISTO V.

DEL MEDESIMO TIEPOLI SONETTO I.




*OME là ne l'Egeo, quando pien d'ira  
Confonde le minaccie, e l'alte grida  
Contra Aquilon l'animoso Euro, e sfida  
L'onda, lo scoglio; ond'ei piange, e s'adira:*

*Delfin amico in parte il corso gira,  
U' scorge da vicin l'ultime strida  
D'un miser legno, e l'assicura, e affida,  
Mentre d'intorno a l'ancora s'aggira.*

*Tal ne le gravi, e torbide tempeste,  
Ch'infernal vento ogn'hor risueglia, e stende  
Contra la nave del buon PIETRO infeste,*

*Quasi nouo ADRIAN Sisto contende  
Con voglie al gran bisogno ardenti, e preste;  
E sicura tra i flutti al fin la rende.*





SONETTO II.

**L**'ARDITA quercia, che su'l  
Pelio ombroso  
Stancò la mano, e'l ferro d'Ar-  
go, in seno  
De l'Eussino lo stuol di valor pieno  
Lieto condusse al vello d'or famoso:

Ne l'Egeo quinci irato, e tempestoso  
L'aere hebbe al nauigar queto, e sereno,  
E i campi de l'Ionio, e del Tirreno  
Solcando giunse à l'Ocean schiumoso.

Quì raccolte le penne al largo volo  
Del nouo angello per il salso humore  
Termine fissè a i nauiganti Alcide;

Ma del beato Sisto al mondo solo  
La sapientia, la bontà, il valore  
Gira la terra, e il cerchio angusto ride.





SONETTO III.



CCO il perfido Trace al corso  
l'ale

Velocissime aggiunge in fuga  
volto

Verso gli antri di Scithia, ond'ei fu tolto  
Da reo spinto sì pronto al nostro male.

La fiamma è spenta pur, l'arco, e lo strale  
Pur rotto, e sparso; e il crudel laccio è sciolto,  
Che tenne il Greco, e l'Unghero sì inuolto,  
L'arse un tempo, e piagò con forza tale.


Nè men presso Aquilon l'aspra, e infame  
Hydra di mille, e mille teste tronca  
Par, che ruini, e in van Luter richiame.

Quindi il gran Sisto con la falce adonca  
Purghi il bel capo; e sgombri l'empia fame  
Col sacro Verbo a la Tartarea conca.





SONETTO III.

 VELL' ALTA Maestà, sa-  
cra, e stupenda  
Del Verbo in carne, hor qui ras-  
sembra in terra  
La pinta illustre imago, onde s'atterra  
Del superbo Satan l'ira tremenda.

Ecco par, che tranquilla Italia renda  
Nume, che s'apre sotto il ciglio, e serra;  
Et che vinto Aquilon spinga la guerra  
Contr' Euro ardito, e'l mar di Grecia fenda.

Ecco del Trace il tempestoso nembo  
D'huomini, e d'arme rotto, arsa, e dispersa  
L'horribil selua ad Anfitrite in grembo.

Ecco di gemme, e d'or l'ali cospersa  
Gira la Gloria, con porporeo lembo  
Soura il gran Sisto in chiara luce immersa.





SONETTO V.



*L*A guerra, a la guerra intorno  
grida

Con fiato ardente il bellicoso ra-  
me

Contra Caluino, il crudel mostro infame,  
In cui reo di Satan spiro s'annida.

Nè men con strepitose, altere grida (me,  
Par, che'l Franco, e l'Ismano a Marte chia-  
Perche al Barbaro fier tronchin lo stame  
Sì, ch'ei del nostro mal sempre non rida.


Voi, voi, cui de l'età rende l'intiero  
Sangue animosi, il sacro corno inuita  
Contra il furor del Maomettano impero.

Io graue d'anni con la mente ardità  
L'Arme dirò del successor di Piero,  
Sicur appoggio à la mia stanca vita.





SONETTO VI.

 VESTO Tempio stupendo, illu-  
stre, e puro,  
Cui marmo ordisce, e gemma, &

oro intesse,  
Pari à quel forse, che al Giordā ti eresse  
Rè saggio, e pio, nel fin stolto ed impuro,

La bella Europa il giogo posto, e il duro  
Ferro spezzato, che sì fier l'opresse,  
Gran Dio t'inalza; e con ardenti, e spesse  
Voci ti loda, homai posta in sicuro.

Nel mezzo è Sisto Quinto; e in trionfale  
Fronda verdeggia, a cui la Gloria intorno  
Va di porpora, e d'or battendo l'ale.

Quinci, oue sorge, & oue cade il giorno,  
Dale fredd'Orse al caldo cerchio Australe,  
Stende GIESV' vittorioso il corno.





SONETTO VII.

**D**A vn Lago altier su l'Africane  
arene

Humil ruscello, e taciturno moue  
Con languidetto piè, fin che ritroue  
Largo tesor di più gagliarde vene.

Quinci spronato il corso à l'onde piene  
Precipitoso, imperioso pious  
Su'l nero Delta le speranze noue;  
Poi ricco al mar con sette corna viene:

Sìl pouero mio stil, che infermo giacque  
Dianzi, o Gran Sisto, il valor volle accēso  
Altrui segnar, ma ragionando tacque.


Hor, da Parnaso il nobil volo estenso,  
Trae seco à piombo i sacri fonti, e l'acque  
Ne l'Ocean de' pregi vostri immenso.

Di Vostra Santità


Humiliss. seruo

Don Giacomo Tiepolo.





















~~H595~~

~~N4795~~

~~V.I~~

J595

N4795

V.I



*10*  
*Op*